



Innkalling av Valstyret

Møtedato: 13.02.2019
Møtestad: Osterøy rådhus - heradsstyresalen
Møtetid: etter møte i formannskapet

Eventuelle forfall må meldast til Marie Koksvik Thorsen per tlf. 56192136, sms til 90134247 eller per epost til marie.koksvik.thorsen@osteroy.kommune.no

Varamedlemmer møter berre etter nærare avtale.

Sakliste

Saknr	Tittel
001/19	Godkjenning av innkalling og sakliste
002/19	Godkjenning av møtebok
003/19	Referatsaker og meldingar
004/19	Delegerte saker
005/19	Kommunestyre- og fylkestingvalet 2019 - tidlegrøyst og førehandsrøysting
006/19	Mottak og handsaming av førehandsrøyster
007/19	Kommunestyre- og fylkestingvalet 2019 - førebels oppteljing av valtingsrøyster

6. februar 2019

Jarle Skeidsvoll
møteleiar

Marie Koksvik Thorsen
sekretær

SAKSPAPIR

Saksnr	Utval	Type	Dato
001/19	Valstyret	PS	13.02.2019

Saksbehandlar	ArkivsakID
Marie Koksvik Thorsen	19/188

Godkjenning av innkalling og sakliste

Innkalling og sakliste vert godkjent.

Saksopplysningar:

Innkalling med sakliste er send ut.

SAKSPAPIR

Saksnr	Utval	Type	Dato
002/19	Valstyret	PS	13.02.2019

Saksbehandlar	ArkivsakID
Marie Koksvik Thorsen	19/188

Godkjenning av møtebok

32T

Protokoll - Valstyret - 07.11.2018

Møteprotokoll frå 07.11.2018 vert godkjend.

Saksopplysningar:

Møteprotokoll er send ut til godkjenning.



Møteprotokoll for Valstyret

Møtedato: 07.11.2018

Møtestad: Osterøy rådhus - heradsstyresalen

Møtetid: kl. 16.15 – kl. 16.20

Frammøtte medlemmer	Parti	Rolle
Jarle Skeidsvoll	KRF	Utvaleiar
Berit Moslett Borge	H	Medlem
Johannes Bysheim	AP	Medlem
Kjersti Ingolvsdotter Vevatne	V	Medlem

Forfall meldt frå medlem	Parti	Rolle
Mortensen, Alf Terje	FRP	Nestleiar

Frammøtte varamedlemmer	Parti	Erstatter medlem
Johannes Haugland	SP	Mortensen, Alf Terje

Følgjande frå administrasjonen møtte: Utvalssekretæren

Sakliste

Saknr	Tittel
001/18	Godkjenning av innkalling og sakliste
002/18	Referatsaker og meldingar
003/18	Kommunestyre- og fylkestingvalet 2019 - røystekrinsinndeling og røystetider

001/18: Godkjenning av innkalling og sakliste

Rådmannen sitt framlegg:

Innkalling og sakliste vert godkjent.

07.11.2018 VALSTYRET

Det var ikkje merknader til innkalling og saksliste.

VS - 001/18 VEDTAK:

Innkalling og sakliste vert godkjent.

002/18: Referatsaker og meldingar

Rådmannen sitt framlegg:

"Referatsakene vert tekne til vitande."

07.11.2018 VALSTYRET

AVRØYSTING

Rådmannen sitt framlegg vart samrøystes vedteke.

VS - 002/18 VEDTAK:

"Referatsakene vert tekne til vitande."

003/18: Kommunestyre- og fylkestingvalet 2019 - røystekrinsinndeling og røystetider

Rådmannen sitt framlegg:

Rådmannen sitt framlegg til vedtak:

«Valtinget 09.11.2019 vert halde på desse stadene og med slike opningstider:

Lonevåg krins

Lonevåg skule

Kl. 12.00 – kl.
20.00

Haus krins	Skulebygget, gymnastikksalen	Kl. 12.00– kl. 20.00
Bruvik krins	Bruvik helselag sitt fellesrom i aldersbustadene	Kl. 12.00 – kl. 20.00
Hauge krins	Skulebygget	Kl. 12.00 – kl. 20.00
Fotlandsvåg krins	Skulebygget	Kl. 12.00 – kl. 20.00
Valestrand krins	Skulebygget, gymnastikksalen	Kl. 12.00– kl. 20.00

07.11.2018 VALSTYRET

AVRØYSTING

Rådmannen sitt framlegg vart samrøystes tilrådd.

VS - 003/18 VEDTAK:

«Valtinget 09.11.2019 vert halde på desse stadene og med slike opningstider:

Lonevåg krins	Lonevåg skule	Kl. 12.00 – kl. 20.00
Haus krins	Skulebygget, gymnastikksalen	Kl. 12.00– kl. 20.00
Bruvik krins	Bruvik helselag sitt fellesrom i aldersbustadene	Kl. 12.00 – kl. 20.00
Hauge krins	Skulebygget	Kl. 12.00 – kl. 20.00
Fotlandsvåg krins	Skulebygget	Kl. 12.00 – kl. 20.00
Valestrand krins	Skulebygget, gymnastikksalen	Kl. 12.00– kl. 20.00

Til å skriva under møteprotokollen saman med utvalsleiaren vart desse valde: Kjersti I. Vevatne og Johannes Haugland

Lonevåg, 09.11.18

Bente Skjerping
utvalssekretær

Ordførar Jarle Skeidsvoll

Kjersti I. Vevatne

Johannes Haugland

SAKSPAPIR

Saksnr	Utval	Type	Dato
003/19	Valstyret	PS	13.02.2019

Saksbehandlar	ArkivsakID
Marie Koksvik Thorsen	19/188

Referatsaker og meldingar

"Referatsakene vert tekne til vitande."

Saksopplysningar:

SAKSPAPIR

Saksnr	Utval	Type	Dato
004/19	Valstyret	PS	13.02.2019

Saksbehandlar	ArkivsakID
Marie Koksvik Thorsen	19/188

Delegerte saker

Melding om delegerte vedtak vert teken til vitande.

Saksopplysningar:

Oversyn over saker som er handsama etter delegert mynde.

SAKSPAPIR

Saksnr	Utval	Type	Dato
005/19	Valstyret	PS	13.02.2019

Saksbehandlar	ArkivsakID
Marie Koksvik Thorsen	19/187

Kommunestyre- og fylkestingvalet 2019 - tidlegrøyst og førehandsrøysting

Rådmannen sitt framlegg til vedtak:

«Førehandsrøystinga til kommunestyre - og fylkestingsvalet 2019 vert halde i Osterøy rådhus, i vestibylen 2. etasje, innanfor ordinær opningstid. Torsdag 05.09.19 vert opningstida utvida til kl. 18.00. I tillegg vert det halde ope for røysting laurdag 31.08.19, kl. 10.00 – kl. 14.00.

Tidlegrøysting til valet, i perioden 03.07. – 09.08. 19 vert halde i Osterøy rådhus, vestibylen i 2. etasje, innanfor ordinær opningstid.”

Saksopplysningar:

Saksopplysningar:

Bakgrunn

Kommunen har ansvaret for gjennomføring av førehandsrøystinga til kommunestyre- og fylkestingvalet 2019. Valstyret avgjer kvar førehandsrøystinga skal gå føre seg og kva opningstider ein skal ha. Oppnemning av røystemottakarar er teke opp i eiga sak.

Vallova seier i § 8 at røystinga skal gå føre seg i eigna lokale og hjå røystemottakar oppnemnd av valstyret. Førehandsrøystinga skal ved dette valet gå føre seg frå 12. august og avsluttast fredag 06. september, jfr. vallova § 15.-5.

I tillegg kan ein no førehandsrøysta alt frå 01. juli også innanlands. Dette er meint som eit tilbod til

veljarar som ikkje har høve til å røysta korkje ved den ordinære førehandsrøystinga eller på valdagen.

I forskrifta til vallova står det at førehandsrøystinga skal leggjast til lokale som er lett tilgjengelege og der alle veljarar kan ta seg inn utan å måtta be om hjelp. Andre lokale skal ikkje nyttast utan at det er særlege grunnar til det. Førearbeida til den nye lova føreset at det ikkje skal takast imot røyster i lokale med kommersielt preg, men i brev frå departementet av 14.04.11 vert tilgjenge og universell utforming vektlagt og kommunane vert oppfordra til å vera kreative ved val av røystelokale.

Ved tidlegare val har ordinær førehandsrøysting vore lagt til rådhuset av praktiske omsyn. Her har ein tilgang til datasystem, kan skriva ut valkort m.v. I tillegg vil ein ha personale til ei kvar tid som kan ta i mot førehandsrøystene. I dei fleste kommunar vert førehandsrøystinga lagt til rådhuset, men kommunen står fritt til å halda førehandsrøysting på fleire stader.

I tillegg til ordinær førehandsrøysting, skal kommunen leggja til rette for tidlegrøysting i perioden 01. juli til 09. august. Valstyret fastset kvar røystinga skal skje og opningstid. Alle veljarar kan i praksis be om å få røysta frå 01. juli. Dette skal normalt skje innanfor ordinær arbeidstid/opningstid. Dersom dette ikkje er mogeleg for veljaren, skal ein så langt det er rimeleg imøtekoma ynsket om eit anna tidspunkt.

Vurdering

Ved førre val vart det gjort slikt vedtak om røystelokale og opningstid for førehandsrøystinga:

”Førehandsrøystinga til Stortings- og sametingsvalet 2017 vert halde i Osterøy rådhus, Servicekontoret, innanfor ordinær opningstid. Torsdag 07.09.17 vert opningstida utvida til kl. 18.00. I tillegg vert det halde ope for røysting laurdag 02.09.17, kl. 10.00 – kl. 14.00.

Tidlegrøysting til valet, i perioden 03.07. – 09.08. 17 vert halde i Osterøy rådhus, Servicekontoret, innanfor ordinær opningstid.”

Folkehelse – ingen merknader

Miljø – ingen merknader

Økonomi – utvida opningstider og fleire røystestader vil gje høgare kostnader.

Konklusjon

Rådmannen legg fram saka til vurdering og vedtak og med tilråding om å følgja same praksis for førehandsrøystinga som ved tidlegare val.

SAKSPAPIR

Saksnr	Utval	Type	Dato
006/19	Valstyret	PS	13.02.2019

Saksbehandlar	ArkivsakID
Marie Koksvik Thorsen	19/187

Mottak og handsaming av førehandsrøyster

Rådmannen sitt framlegg til vedtak:

”Rådmannen får fullmakt til å oppnemna personell til mottak, handsaming og godkjenning av førehandsrøystene i samband med kommunestyre- og fylkestingvalet 2019.”

Saksopplysningar:

Bakgrunn

I samband med tidlegare val har det vore oppnemnd faste personar til å opna og godkjenna førehandsrøystene. Valstyret vert rekna som eit ”fast utval” og kommunelova sine reglar om val, sakshandsaming i utvalet og delegeringsmynde gjeld difor.

Etter delegeringsreglane i kommunelova, §§ 10 nr.4 og 23 nr. 4. kan leiar i valstyret, eit arbeidsutval eller rådmannen kan få delegert vedtaksmynde i saker av ”ikkje prinsipiell” karakter. Som eksempel på slike saker er prøving av kurante førehandsrøyster nemnt.

Nye arbeidsformer som følgje av ny teknologi gjer at ein treng mindre mannskap til arbeidet

med innkomne førehandsrøyster. I staden krev organisering og gjennomføring av sjølve førehandsrøystinga meir ressursar då denne oppgåva er lagt til kommunen.

Ved tidlegare val har rådmannen fått fullmakt til å oppnemna personar til mottak og behandling av førehandsrøystene. Fullmakta vil og gjelda i høve til supplering dersom det skulle verta trong for det i samband med fråver eller andre årsaker.

Vurdering

Handtering av førehandsrøystene før valet vert gjort administrativt og det er mest praktisk at rådmannen får fullmakt til oppnemning av personell til oppgåvene.

Folkehelse – ingen merknader
Miljø – ingen merknader
Økonomi – ingen merknader

Konklusjon

Mottak og handtering av førehandsrøystene vert gjort administrativt. Rådmannen finn det difor mest føremålstenleg at rådmannen har fullmakt til oppnemning av personell. Då kan ein og fort supplera med nye personar dersom det skulle verta trong for meir mannskap.

SAKSPAPIR

Saksnr	Utval	Type	Dato
007/19	Valstyret	PS	13.02.2019

Saksbehandlar	ArkivsakID
Marie Koksvik Thorsen	19/187

Kommunestyre- og fylkestingvalet 2019 - førebels oppteljing av valtingsrøyster

Rådmannen sitt framlegg til vedtak:

”Det vert halde krinsvis førebels oppteljing ved kommunestyre- og fylkestingsvalet

2019.”

Saksopplysningar:

Saksopplysningar:

Bakgrunn

Etter at valtinget er avslutta, skal røystestyra telja opp røystesetlane i urnene. Talet på røystesetlar skal først i protokollen for røystestyret. Denne ordninga har truleg samanheng med at det ikkje lenger vert nytta røystesetelkonvolutt på valtinget, då med unntak for røyster som vert lagt i særskild omslag.

I Osterøy har ein ved tidlegare val hatt førebels oppteljing i krinsane. Røystestyret må i alle høve telja setlane, og det tek då ikkje mykje lenger tid å sortera på parti og gjennomføra førebels oppteljing for kvar krins. Dette gir også det raskaste oppteljingsresultatet frå grovteljinga. I tillegg kjem det eit nytt krav i valforskrifta om at førebels oppteljing av røystene skal skje manuelt. Manuell oppteljing inneber at oppteljinga skjer for hand, utan bruk av maskiner. For å praktisk kunne gjennomføre ei manuell oppteljing, må dette skje i krinsane eller på rådhuset. Grunngevinga for dette kravet er at det skal sikre legitimiteten til valresultatet, då ein manuell oppteljing i tillegg til ein maskinell vil sikre eit riktig resultat.

Erfaringa med krinsvis oppteljing er god, og ein kjenner ikkje til noko som tilseier at ein skal endra på dette. Krinsvis oppteljing føreset at det er minimum 100 personar med røysterett i

krinsen, jfr. Vallova § 10-4, 2. Ved færre manntalsførte må ein telja fleire krinsar saman.

Førehandsrøystene vert talde sentralt tidlegare på valdagen.

Vurdering

Det er viktig å få resultatet frå grovteljinga fram så fort som råd, og krinsvis oppteljing er då den beste løysinga. I Osterøy er alle krinsar store nok til å ha grovteljing. Rådmannen rår difor til at ein held fram med krinsvis grovteljing av valtingsrøystene.

Folkehelse – ingen merknader

Miljø – ingen merknader

Økonomi – ingen merknader

Konklusjon

Grovteljing bør skje krinsvis for å få førebels valresultat så raskt som råd.